



REPUBLIKA E KOSOVËS / REPUBLIKA KOSOVA

GJYKATA THEMELORE GJILAN - DEGA E GJYKATËS KAMENICË

Numri i lëndës: 2020:163933

Datë: 22.03.2021

Numri i dokumentit: 01619067

P.nr.257/2020

NË EMËR TË POPULLIT

Gjykata Themelore në Gjilan - Dega në Kamenicë, gjyqtari i vetëm Sadri Krasniqi, me sekretaren juridike Tevide Thaqi, në lëndën penale kundër të akuzuarit A.F. nga, për shkak të veprës penale: Posedim i pa autorizuar i narkotikëve, substancave psikotrope ose analoge nga neni 269, parag. 1 të KPRK-së, të cilin e mbron me autorizim av. Granit Mavriqi, duke vendosur sipas aktakuzës së PTH-së nga Gjilani, PP.II.nr.2001/2020, të dt. 20.11.2020, pas mbajtjes së seancës për shqyrtimin e marrëveshjes për pranimin e fajësisë të datës 16.03.2021, në prani të Prokurores së Shtetit Bahtie Ademi, të akuzuarit A.F. dhe mbrojtësin e tij av. G.M., shpalli dhe publikisht komunikoi, ndërsa më datën 22.03.2021 përpiloi këtë:

A K T G J Y K I M

I a k u z u a r i :

A.F., pa pseudonim dhe emër të rrejshëm, nga i ati F., i lindur më dt.,, ku edhe jeton, me nr. personal, shqiptar, shtetas i Republikës së Kosovës, i pa martuar, ka të kryer shkollën e mesme, i pa punësuar, është student, i gjendjes së varfër ekonomike, sipas deklaratës së tij i pa dënuar më parë.

Është fajtor

Sepse:

Me dt. 12.11.2020, rreth orës 20:25, te pika kufitare “Dheu i Bardhë” i pandehuri A.F. pa autorizim, ka poseduar substancë narkotike, substanca psikotrope apo analoge, në atë mënyrë që gjatë kontrollimit në pikën kufitare, nga zyrtarët doganor te i njëjti në pakon e cigareve është gjetur një cigare (joit) të mbështjellur me substancë narkotike të llojit, “Marihuan”, në peshë prej 0.6gr, e cila substancë narkotike i është konfiskuar, në këtë mënyrë i

pandehuri, me veprimet e veta, pa leje dhe autorizim, ka poseduar substancë të rrezikshme narkotike.

-me çka ka kryer veprën penale: Posedim i pa autorizuar i narkotikëve, substancave psikotrope ose analoge nga neni 269, parag. 1 të KPRK-së

Gjykata në bazë të nenit 4, 38, 43, 46, 47,48,49, 69,70 dhe 71 të KPRK-së, lidhur me nenin 233, 365 dhe 453 të KPPRK-së, të akuzuarin A.F. e,

G J Y K O N

Me dënim kumulativ.

- me dënim me **gjobë** (të holla) në shumë prej nga **400 € (katërqind euro)**, të cilën shumë ka për ta paguar duke filluar në afat prej 15 ditësh nga dita e plotfuqishmërisë së këtij aktgjykimit, në të kundërtën i njëjti dënim me gjobë do t'i zëvendësohet me dënim burgu ashtu që për çdo 20 € do t'i llogaritet nga një ditë burgu dhe

- me **burgim** në kohëzgjatje prej **6 (gjashtë) muajve**, i cili dënim nuk do të ekzekutohet nëse i akuzuari brenda afatit prej një (1) viti, nga dita e plotfuqishmërisë së këtij aktgjykimi, nuk kryen vepër tjetër penale, në rast se i akuzuari kryen vepër tjetër penale, brenda afatit të verifikimit atëherë dënimi me kusht ka për t'iu revokuar në dënim me burg.

Të akuzuarit në pajtim me nenin 115, paragrafi 2, lidhur me paragrafin 1 të KPPRK-ës, i konfiskohent substanca narkotike e llojit “Marihuan” në sasi prej 0.6 gram, e sekuestruar përkohësisht sipas vërtetimit për sekuestrimin e përkohëshëm të sendeve nga ana e zyrtarit policor.

Detyrohet i akuzuari, që në emër të paushallit gjyqësor të paguaj shumën prej 20 €, krejt këto në afat prej 15 ditësh nga dita e plotfuqishmërisë së këtij aktgjykimi me kanosje përmbarimi.

Njashtu i akuzuari obligohet që në kuptim të nenit 39, paragrafi 3, nën paragrafi 3.1 të Ligjit për Kompensimin e Viktimave të Krimin, të paguaj shumën prej 30 €, në afat prej 15 ditësh nga dita e plotfuqishmërisë së këtij aktgjykimi me kanosje përmbarimi.

A r s y e t i m

Prokuroria Themelore në Gjilan, me aktakuzën PP.II.nr.2001/2020, të dt. 20.11.2020, i ka propozuar gjykatës që ndaj të akuzuarit A.F. nga, të fillohet dhe shtjellohet procedura penale, për shkak të veprës penale: Posedim i pa autorizuar i narkotikëve, substancave psikotrope ose analoge nga neni 269 parag. 1 të KPRK-së, të shpallet fajtorë dhe të dënohen sipas ligjit. Në ndërkohë, përkatësisht më datë 10.03.2021, Prokuroria e Shtetit ka parashtruar edhe Marrëveshjen për Pranimin e Fajësisë së hartuar nga ana e Prokurorisë së Shtetit - Prokuroria Themelore në Gjilan, në njërën anë dhe të akuzuarit A.F. me mbrojtësin e tij Av. G. M., në anën tjetër.

Në marrëveshjen për pranimin e fajësisë të hartuar ndërmjet palëve, respektivisht Prokurorisë Themelore në Gjilan dhe të akuzuarit A.F., me mbrojtësin av. G.M., palët kanë përcaktuar kushtet e pranimit të fajësisë, ku ndër të tjera është negociuar dhe propozuar dënimi me gjobë (të holla) në shumë prej nga 400 € (katërqind euro), të cilën shumë ka për ta paguar duke filluar në afat prej 15 ditësh nga dita e plotfuqishmërisë së këtij aktgjykimit apo në të kundërtën i njëjti dënim me gjobë do t'i zëvendësohet me dënim burgu ashtu që për çdo 20 € do t'i llogaritet nga një ditë burgu dhe dënim me burg në kohëzgjatje prej 6 (gjashtë) muajve, i cili dënim nuk do të ekzekutohet i akuzuari brenda afatit prej një (1) viti, nga dita e plotfuqishmërisë së këtij aktgjykimi, nuk kryen veprë tjetër penale, në rast se i akuzuari kryen veprë tjetër penale, brenda afatit të verifikimit atëherë dënimi me kusht ka për t'iu revokuar në dënim me burg efektiv.

Gjykata shqyrtoi aktakuzën dhe marrëveshjen për pranimin e fajësisë, pas vlerësimit të së njëjtave dhe shkresave tjera të lëndës konstatoi se të njëjtat janë të bazuara në ligj, andaj duke vepruar sipas të njëjtave, ka caktuar seancë gjyqësore për shqyrtim fillestar kundër të akuzuarit për dat.16.03.2021, në të cilën seancë gjyqësore, Prokurorja e shtetit Bahtie Ademi, ka deklaruar se mbetet pranë aktakuzës PP.II.nr.2001/2020, të dt. 20.11.2020, kundër të akuzuarit A.F., për shkak të veprës penale, Posedim i pa autorizuar i narkotikëve, substancave psikotrope ose analoge nga neni 269 parag. 1 të KPRK-së, dhe Marrëveshjes për pranimin e fajësisë të datës 05.03.2021, e lidhur në Prokurorin Themelore në Gjilan-Departamenti i përgjithshëm, nga fakti se i akuzuari në prezencën e mbrojtësit të tij av. G.M., në mënyrë vullnetare pa shtrëngim apo nën presion në tërësi ka pranuar benefitet dhe pasojat e kësaj marrëveshje.

Marrëveshja për pranimin e fajësisë PP.II.nr.2001/2020, është hartuar më datë 19.02.2021, në mënyrë vullnetare nga të pranishmit dhe e pranuar nga i akuzuari A.F., në tërësi si marrëveshje me të gjitha pikat dhe konditat e saj.

Mbrojtësi i të akuzuarit A.F., respektivisht av. G.M., thekson se mbetet në tërësi pranë marrëveshjes së nënshkruar dhe pranuar nga i akuzuari dhe njëkohësisht i propozuan gjykatës që ta aprovoj në tërësi marrëveshjen me të gjitha elementet - kushtet e saj.

Këtë gjendje faktike gjykata e ka vërtetuar nga pranimi i fajësisë nga i akuzuari, respektivisht nga vetë përmbajtja dhe kushtet e pranimit të marrëveshjes së pranimit të fajësisë, ku i akuzuari e ka pranuar fajësinë për veprën penale për të cilën akuzohet.

Gjykata, sipas detyrës zyrtare e në harmoni me nenin 257 të KPPRK-së, nuk gjeti se ekziston ndonjë provë e pa-pranueshme dhe e marrë në kundërshtim me dispozitat e nenit të lartë-theksuar e cila do të vinte në mëdyshje dhe do të bënte të papranueshëm pranimin e fajësisë. Gjithashtu, gjykata konsideroi se nuk ekzistojnë rrethana të përcaktuara nga neni 253 të KPPRK-së të cilat do të konsistonin në krijimin e situatës dhe rrethanave për hedhjen e aktakuzës.

Gjatë seancës për shqyrtimin e marrëveshjes së pranimit të fajësisë, gjykata në tërësi ka vërtetuar se i akuzuari e ka kuptuar natyrën-pasojat e marrëveshjes për pranimin e fajësisë për veprën penale e cila i vihet në barrë. Marrëveshja për pranimin e fajësisë, respektivisht pranimi i fajësisë nga i njëjti është bërë në mënyrë vullnetare, pa kushtëzim, pa presion, askush nuk ia ka bërë ndonjë premtim të kundërligjshëm i cili do ti shtyjë në pranimin e marrëveshjes për pranimin e fajësisë, heqin dorë nga e drejta në gjykim të rregullt, respektivisht nga të gjitha të drejtat që kanë të bëjnë me gjykimin e rregullt, pas konsultës së mjaftueshme me mbrojtësin e tij dhe në harmoni me dispozitat e neneve 233 dhe 246 e 248 të KPPRK-së.

Ndërsa sa i përket dënimit dhe vendimit për dënimin, Prokurorja e Shtetit Bahtie Ademi, i akuzuari A.F. dhe mbrojtësi i tij av. G.M., propozuan gjykatës që ta aprovoj dënimin e përcaktuar në marrëveshje për pranimin e fajësisë.

Gjykata duke marrë në konsideratë rrethanat të cilat ndikojnë në përcaktimin e llojit dhe lartësisë së dënimit, respektivisht rrethanat e përcaktuara me nenin 69 dhe 70 të KPRK-së, erdhi në përfundim se dënimi i propozuar nga palët është dënim i cili i përgjigjet shkallës së përgjegjësisë penale të tij-akuzuarit dhe se me këtë dënim do të arrihet qëllimi preventiv i dënimit, respektivisht që në të ardhmen i akuzuari të jetë më i përgjegjshëm dhe të përmbahet nga veprimet e këtilla.

Gjatë vendosjes mbi dënimin, gjykata nuk ka gjetur ndonjë rrethanë të veçantë rënduese e cila do të ndikonte në llojin dhe lartësinë e dënimit, ndërsa si rrethana tejet lehtësuese ka konsideruar: pranimin e fajësisë nga i akuzuari, ku këtë gatishmëri të pranimit të fajësisë i njëjti e ka shprehur që në fazat e hershme hetimore me lidhjen marrëveshjes për pranimin e fajësisë.

Andaj, bazuar në rrethanat e lartë-theksuara gjykata ka aprovuar marrëveshjen për pranimin e fajësisë në tërësi me të gjitha elementet e saja, respektivisht ka aprovuar dënimin e propozuar nga palët – dënim me gjobë (të holla) në shumë prej nga 400 € (katërqind euro), të cilën shumë ka për ta paguar duke filluar në afat prej 15 ditësh nga dita e plotfuqishmërisë së këtij aktgjykimit, në të kundërtën i njëjti dënim me gjobë do t'i zëvendësohet me dënim burgu ashtu që për çdo 20 € do t'i llogaritet nga një ditë burgu dhe dënim me burg në kohëzgjatje prej 6 (gjashtë) muajve, i cili dënim me burg nuk do të ekzekutohet nëse i akuzuari brenda afatit prej një (1) viti, nga dita e plotfuqishmërisë së këtij aktgjykimi, nuk kryen vepër tjetër penale, në rast se i akuzuari kryen vepër tjetër penale, brenda afatit të verifikimit atëherë dënimi me kusht ka për t'iu revokuar në dënim me burg efektiv. Andaj bazueshëm mund të pritët që ky dënim do të ndikoj pozitivisht në përmirësimin e të akuzuarit, do të ketë ndikim edukativ edhe ndaj qytetarëve tjerë që në të ardhmen mos të kryejnë vepra penale, sikundër që do t'i kontribuojnë disiplinës dhe përgjegjësisë më të madhe të qytetarëve në përgjithësi.

Të akuzuarit në pajtim me nenin 115, paragrafi 2, lidhur me paragrafin 1 të KPPRK-ës, i konfiskohent substanca narkotike e llojit “Marihuan” në sasi prej 0.6 gram, e sekuestruar përkohësisht sipas vërtetimit për sekuestrimin e përkohëshëm të sendeve nga ana e zyrtarit policor.

Duke pasur parasysh natyrën e kësaj çështje penale dhe gjendjen financiare të akuzuarit, gjyqtari i vetëm gjykues, bazuar në nenin 451 paragrafi 1 i KPPRK-së, ka vendosur që të akuzuarin ta detyrojë për ta paguar paushallin gjyqësor në shumën prej 20 € (Njëzetë euro), si dhe 30 € për Programin për Kompensimin e Viktimave të Krimit, në afat prej 15 ditësh nga dita e plotfuqishmërisë së këtij aktgjykimi me kanosje përmbarimi.

Gjykata nga të cekurat më lartë ka vendosur si në dispozitiv të këtij aktgjykimi.

Gjykata Themelore në Gjilan- Dega në Kamenicë,

P.nr.257/2020, më datë 22.03.2021

Gj y q t a r i,

Sadri Krasniqi,d.v.

Këshilla Juridike : ky aktgjykim është i plotfuqishëm që në datën e shpalljes-publikimit të tij, pasi që palët kanë hequr dorë nga e drejta e ushtrimit të ankesës ndaj të njëjtit.